


МЮГЬЮВБАТДИН
ЖИЛГЪА





Рамазанов Рамазан Шябанович

Жуф дагъдин канчларихъ ерлешмиш дубхънайи
Къужник гъулаъ 1964-пи йисан бабкан гъахъну.

Гъулан мектеб ккудубклу Рамазан 1981-пи йисан
Дагъустандин политехнический институтдиъ учлвру
ва 1986-пи йисан думу ккудубклуру.

Р.Рамазановдин сабпй шиърар "Табасаран нурар"
газетдиъ чап гъаплну.

РАМАЗАН РАМАЗАНОВ

МЮГЬЮББАТДИН
ЖИЛГЪА

Шърар



Мягъчгъала. 1997

Автор выражает глубокую признательность
ЧАРТАЕВУ МАГОМЕДУ АБАКАРОВИЧУ
из с. Шукты Акушинского района за неоценимую
помощь, оказанную им при издании этой книги.

Мюгьюббатдилаи ккебгъу уьмрин жилгъа акуб
бахтлуб шулу. Р. Рамазаиовди поэзияйиз вуйи рьякъ
«Мюгьюббатдин жилгъайилан» ккебгъра. Гъит думу
жилгъа ягъурлуб ибшри, гъит диди автор литерату-
раинн яркъу рьякъюз гъайихри.

МЮГЬЮББАТДИН НУР



ККУНИР

Увуз к1ури аза ккунир,
Жарариз ваъ, анжагъ увуз.
Му гаф вузуз варт!ан ккуниб,
Узуз — вузуз, вуйин увуз?

Йиз к!ваъ айи кюкйирин багъ
Уву вува, дариз му сир.
Уву гьяркъган, к1ваан булагъ
Гьябгъюр, дубхъну гьиссарин нир.

Увкан к1урза нириз. ярквраз,
Дустраз, к1ваъ марци гьисс айи,
Завуъ айи аку хядраз,
Увуси к1Гваз нур туврайи.

* * *

Гвачінинган ригъ гьудубч'виган,
Аку шулу кюкдин рангар.
Уву ціиб инчі ккадап'иган,
Йиз юк'в шулу кюкдиз ухшар.
* * *

Увуз ккун гъахьи кас уърх к'ваъ,
Мюгъюббат шулу анжагъ саб.
Вахтнинди дархьиш гъаннаъ,
Яв мюгъюббат шулу кабаб.

ШУКТЫ ГЪУЛ'АН ВУЙИ ПАТ'ИМАТДИЗ

Гъарзун к'ак'наъ гъахьунву гъаз?
Увухьна рукъдар йиз хилар,
Лигурза яв аку машназ,
К'ивалан алдахъури ухътар.

Текрар бенд:
Зиълан яв дих ебхъури,
Улар вухъди гъахури,
Мигъитан, юк'в убгури,
Гъюри-пери Пат'имат!

Гъар ч'ивибдиз дихъуру яр,
Узуз уву вува айир.
Йиз к'ваъ умуд яваш шулдар,
Духъназа саб гъиссенан йисир.

Уву рякьюб ву шад мажлис,
Саб гаф капуб — ахю машквар,
Йиз ибахъна, духъну циб ис,
Яв киван сир апина ашкар.

ЙИФ УБГЪУРА

Пашманди абхъра саби йиф,
Ихъ хиялси марциб, зав'ан.
Нашива, я йиз ккунир, йип,
Йип, ухъу рякьюруш наан.

Киваин илмийин яв гафар,
Уву узуз гъапи хъадну?
Дарш ккаърайин вари дулар,
Гъатху к!ажарси, гъи йифу?

Набши думу хъадукран тахт,
Кюкйири гъабалгу ухъу?
Набши думу ихъ бахтлу вахт,
Йиз хилиъ хил иву уву?

Убгъура йиф, убгъура йиф,
Ккаъра исикк гъургу к!ажар...
Гъаз-вуш к!ажар вузуз гъайиф
Яв гафарси... гъархуз шулдар.

Я ВАШ, Я РИШ

Булагъдилан ккебгъру, к1ур, нир,
Дере абц1ну гъябгъюрайи.
Саб гафкъан йип, эй йиз ккунир,
Дуствал ккебгъур ихъ арайиъ.

Гъит1ибк1ну маш, ис дап!ну к1ул,
Мягъян, алахъиган ухъу.
Увухъди гъябгъюру йиз ул,
Гъудуч1вну гъягъруган уву.

Махъан яв к1ван гъиссназ инкар,
Саб лигубкъан ап1ин багъиш.
Сац1иб яваш дап1ну ликар,
Гъап1ру, уву саб кап1иш...

Ч1УР МАП1АН

Ч1ур мап1ан ихъ мюгъюббат,
Футнайихъан уьбх къалу,
Шак ипну, швнурсарин бахт
Диди гъап1уншул к!ару.

Туврур ужуб насигъят
Алахъдарвуз гъар йигъан.
Ижмиди уьбх айи бахт,
Яв мухриъ дархъуз фигъан.

Ужуб гаф хъив яв гъят!нихъ,
Харжиб гъабхъиш, ккив ликрикк,
Думура хъивиш гъят!нихъ,
Яв кГваин йивуру миркк.

Уьмрин жвилли гъайгъушнар
Илирчну, гъисс мап!ан кур,
Гъи яв к!ваз мани гафар
Масу мутуван закур.

ПЕРИХАНУМ

Периханум, Периханум,
Йишван гъюрва йиз нивк!уз.
Давди мубгана йиз багърум,
Гъитава гъялалди ахуз.

Увуз авуз яв ккунни яр,
Узузра адарди даршул.
Яв к!ваз ккунди ади жарар,
Абдал мап!анава йиз к!ул.

Эгер фук!а пуз ккунниб аш,
Йип, багахъна дуфну йигъну.
Гъахъган, рябкъюз гъидрибтди м
Гъаз инжик ап!урва йишвну?

Давди мубгана йиз багърум,
Давди мягъян йиз нивк!уз.
«Сар узу вуза яв ханум!»
Сабпну йипа закур узуз.

ДУФНА ИХЪ ВАХТ

Гъапундайна, гъафиган чвул,
Ихъ ківан хиял хъибди тамам?
Унчівихъ хъава гъи, ибхну к!ул...
Фу гъубкІрадар, фу гъабхъну нам?

ГъатІабцина чвули чан суфра,
Бул ву ипІруб, убхъруб, йимиш.
Гъач, йип, йиз багахъна дуфну,
Туву гаф мюгъкамди имиш.

Ккунивалин ихъ гъисс гъяни
Ачухъ дарапІри ава гъаз?
Уъмрин жилгъа хъайиз къяни,
Варибдикан йип яв бабаз.

Ачухъ ап!ин, дарапІди нач,
Къюрд гъюра... дарибшрида къан.
УдучІв хул'ан, апІурхъа гъач
Чвулин кІажарихъди ялхъван.

ДЕРД

Ният гъабхънийиз, кқунир,
Увухъди уьмур балгуз.
Гъи адар фукIа жиниб
Уьмриь гъахъунза бахтсуз.

Дустар аьлхъруган шадди,
Узура ккятIялхъюрза.
Хулаь деъган сикинди,
Дердна гъам гъял апIурза.

Узуз кқунир вува сар,
КIура юкIву, сикин дар.
Дердерин чюллериь дар
Сарди гъаъраза йисар.

Жарариз яр фици кIур,
Уву кIваълан дяргъруган?
Даршулинхъа юкIвра кур,
Гъиссан табар хъудутIган?

ХЯБЯХЪ

Хябяхъ дубхъна. Ваз удубчѣвна завариз,
Яркварар хярар, лиг, дабалгна утканди,
Лигуз ккундиз яв хядарин улариз
Гъягъюз ккундиз мюгъюббатдин макандиз.

Бари сикин гъахъну... удучѣвну хул'ан,
Такабурди жейранси багахъна гъач.
Хуш лигуб, инч! хъади гъач, дарапѣди къан,
Ибхну къяллан швякъярихъна гъюру кларч.

Амсликк ккубчѣвну, зяиф шула вазлин акв,
Гъач, гъюрусн гъубкъу хут!лиз сабину мархъ.
Наз мапѣан, йиз кѣваъ абхъуз мигъитан шак,
Ухди дуфну, ккунир, йиз гардандиъ архъ.

Саб гъяйвниин элъену ихъ къисматнан,
Ккебгъурхъа ихъ бахтлу уъмриз сиягъят.
Миннат вуйиз, гъач йиз ккунир, мапѣан къан—
Мюгъюббатдиз ккабалгну а табиаът.

ЙИЗ ККУНИР

Накъ дупну «ав», гѣи кѣурур «ваъ» —
Фицир ккунир хътарин узухъ!
Абдал шули ашра гъулаъ,
Йиз дерд апѣдар, ясан язухъ.

Пулихъ мюгъюббат кѣваз гъюрдар,
Мюгъюббатдиъ аъмал даршул.
Иша дяргъюр кучѣлин гафар,
Сар гъюр дархъа, сарсана—сул.

Гъушу вахтар къяляхъ гъюрдар,
Давди ицру мапѣана кѣул.
Гъач гъягъюрхъа сарихъди сар,
Рубдихъди гъябгъюруси мурсул.

Накъ дупну «ав», гѣи кѣуру «ваъ» —
Гъацир ккунир хъазухъ узухъ.
Якъин фу айк!ан дугъан кѣваъ?
Шадвал—кам, дерд шула артухъ.

ЯР НАШИ

Йиз гюзел яр к!ваин хыган,
Ачмиш шулу амсликкан ваз.
Узуз дугъан гаф гъебхъган,
Йишв бихъурдар мухриъ йиз к!ваз.

Припев:
Яр наши, яр алагюзли,
йипай узуз ккуни дустар.
Мигъитанай къат1 хъуз мяъли,
Чавай хилиз йиз зиринг тар.
Яр дяряркъри, дубхънайиз ваз,
Фу ибшрихъа дидиз сабаб?
Мяракаийъ гъаз думу, гъаз
Адарш, дустар, тувай жаваб.

Йиз аъзиз яр рякъюз ккунди,
Булагъ ули уьбхюраза.
Гвач1нини, хябяхъ гъич дарпиди,
Йигъан хъубан дина гъюрза.

ЯЛХЪВНИЗ ГЪАЧ

Мяракайиз удуч!вурхъа,
Гъач, ккунир, ап1урхъа ялхъван.
Сари сариз къюб гаф к1урхъа,
Ккун ап1ури аза увкан.

Узу—сарди, уву—сарди,
Гъузру ухъу фукъан гагъди?
Ишрат дап1ну чиб-чпиз жини,
Ялхъвниз удуч1вурхъа, ккунир.

«Табтиъ кьюлра тай хъадарди
Гъич дарибшри!» к1ура халкъди.
Гъач къавларин мукъмарихъди
Илдицухъа, юк1вар шадди.

«Т. Н.» 1993

ИНЧ1ККАДАП1

Инч1 ккадап1ну, фуре кади
Шадди лица, я гюзел.
Уву рякъюб пашманди,
Яв яриз дерд ву, гюзел.

Пашманди мигъибтан маш,
Балгурдарвуз, я гюзел.
Эгер увук дердер каш,
Ма, йиз хил бис, жан гюзел.

Яв машназ, бахт абгури,
Лигру сар кас а, гюзел.
Айир дердну ургури,
Рази ап1ин, я гюзел.

* * *

Диврайган
Мюгьюббатдин дарамат,
Кюмек апуз
Гъафнийва, ккунни юлдаш.
Ярхи уьмур
Хъайиб хьуз ихь мюгьюббат,
Дивуз хьюгъхъа
Цал'ин битав мармардаш.
Гъала гъабхьи
Дидкан гъарарт1ан ягъли,
Амма гъаз-вуш
Ихь зегъмет гъабхьи хараб...
Узу ясан уву
Ивнийшул цалиъ
Гъвандин йишв'ин
Дабгънайи миркклин къаяб.
Миркк гъееби1ган,
Гъарабгъну ихь дарамат...
Цалиъ ивру
Гъван шаклуб дубхъну ккундар.
Мюгьюббат ву
Варт1ан назук дарамат,
Аьмал, куч1ал
Дидхъан аьгъ апуз шулдар.



БАТАНДИН БУЛАГЪ



БАТАН

Сяргьатарлан улдучѳвган яв,
Гъагъи фикрар гъюру йиз кѳваз,
Ктѳубшвуз шулдар дерднан ялав,
Гъялак шулза хътакуз гъулаз.

Чюлиъ гъахъишра авадан,
Шагъриъ ашра вартѳан адлу,
Йиз фикрар тѳирхуру гъарган
Яв дагълариз, рякъяр хъадру.

Яв гъава, ригъ гъюру хулаз,
Мухур абѳѳну, туври гъевес,
Наан ашра, ебхъуру кѳваз
Гъулаъ айи булагъдин сес.

ЙИЗ ЖИЛГЪА

Жвув агуз к1ваъ ният бисну,
Гъягъюз кказа сивиз аьгдру.
Белки, узу гъахур бахтну,
Белки, кюмек тувур вахтну.

Деъну а к1ури гъвандин,
Бахтну зина гъахурадар.
Чахъди гъахуз к1ажси гъарин,
Мик1ра магъа гъюри адар.

Дагъдик ерц1урайи йифар
Булагъариз шула дюнмиш.
Узу, ирчри ц1ийи гафар,
Шиир ап1уз хъюгъза дюзмиш.

Халкъдин мяъли—булагъ багъа
Аьсрариан рубзури а.
Гъадму булагъдилан магъа
йиз жилгъара гъи кебгъри а.

ТОСТ

Дуфну ахъа гъи шадлугъназ,
Му шадвалик ихъ пай кивуз.
Дуфну ахъа дустран гъулаз,
Сумчрин йигъ мубарак ап!уз.

Гъит сагъ ишри хулан эйси,
Хулаъ шадвал ибшри артухъ.
Хурайи швушв гъянир ишри,
Хал—арбаб, хизан ибшри тухъ.

Балкан игит ишри адлу,
Мургужви, айирсир гъулаъ,
Ватандин гъякъ бай намуслу,
Люкърансиб юк1в айир гъянаъ.

Гъит ибшри мурарин хизан
Уьбхруб хулан асул, беркет
Ва чпиз къисмат ибшри йигъан
Гъялал уьлна гъялал зегъмет.

ШУКТЫ ГЪУЛ

Дагъустандин дагъларий
За шула шагъурсиб гъул.
Дициб жара юрдарий
Бажагъат сарун ашул.

Ккарснай накъ дидин хулар
Аьсрариккси, гъарзарикк.
Гъи, ц!ийи духъну, дулар
За шули а майднарий.

Гъилигиш саб ярхлаан,
Гъул диврадар — аьламат!
Алмазди дярхюри гъван,
Дивра гюрчег дарамат.

Устйир дуфна кюмекназ:
Дарги, лак, табасаран...
Гъарсари ц!ийи гъулаз
Беркет дубхна чан гъулан.

Сат!и гъахъиган халкъар,
Фу вушра гъюру гъурт!ан.
Гъаддиз дагъси ву мягъкам
Халкъарин гим — Дагъустан!

ИНСАН

Йигъан пис хабар ебхъуру ибариз,
Ч1уру гъядиса рябкъюру улариз.
Фукъан писвал гъюру ув'ина, инсан,
Фила яв фагъум гъабхънийк1ан кам? Наан?

Гъаз уву хъергнава уч ап1бахъ гъзил?
Жара касдин бахтнийн шулва бахил?
Гъисс ап!дарва жарарии дерд, ицпрушин,
Увлантина гъибтуз ккава фициб шил?

Фун т1убк1руси абц1уб вуйинхъа яв бахт?
Гъаз зяяди гъап1рава яв уъмрин вахт?
Мици гъабхъиш, марци рюгъ дубхъну
барбат1,
Закур увкан шулу вягъши гъяйванат.

МАРХЪ

Ккилигури хайлин йигъар
Вуйиз увуз, гвач1индин мархъ.
Дуркъну айн хут1лар, хярар
Уву тухъ ап1уруш нагагъ.

Магъа гъюри ава, дирбаш,
Хялижвси, гъюрайи гъулаз.
Кив йиз машнак яв къяши маш,
Гъабч узухъди, ккундуш, хулаз.

Амма, кучри унчѣвик, гъванк,
Гъюри адар мархъ ич хулаз,
Йиз ужагъдиъ иврадар лик,
Гъяятдиъ а, ап!ури наз.

Начи хялижв гъушу магъа,
Тухъ дап!ну хут!ларна хярар,
Гъушну хялижв, вардиз багъа,
Думу гъауз кас гъушундар.

Гъап!ну мархъли ахю уж'вал,
Саб кымат дарпиди алдру.
Гъаци гъаз ап!дайк!ан уж'вал
Гъарсари, чан гъурт!ан гъюру...

МИЦИР ДУСТ ШУЛИН

Къюр касдин арайиъ гъалаб
Ипру касдикан дуст шулин?
Яв улихъ—саб, къяляхъ—жараб
К!уру жвуваз дуст пуз шулин?

Гъарган, ап!урзавуз кюмек,
К!ури, яв къяляхъ лицури,
Саб ражну гъахъиган герек,
Мажал даршлу кас дуст шулин?

Аълхъюри лигну пну машназ,
Хлурччихънакъан бисну пну хил,
Дуст пуз шулин дицир жвуваз,
Яв бахтнини шлуриз бахил?

ГЪЯГЪЮРИ А ЙИСАР, ЙИГЪАР

Гъягъюри а йисар, йигъар,
Лизи ч!арар каъри к!улик.
Сабдихъди саб, дердер-гъамар
К!ваъ архъри а, курсри мухрик.

Шамдин аквси муч!у йишван,
Зяифуб ву шадвалин нур.
Йигъар, вазар гъюра пашман,
Йиз аку гъисс ап!ури кур.

Гъушу вахтар къяляхъ гъюрдар,
Амма гъабши сад йигъ шадлу,
Гъафишра чахъди пис йигъар,
Йиз к!ваъ гъубзру, вуди нурлу.

Гъубзру, узуз туври сабур,
Туври йигъан зурба къувват,
Абурлуди ап!уз къабул
Уъмриъ шули айиб къисмат.

ЩИГЪ ГЪИШУРИН — ГУГАХЪ ЦІА

ЦДигъ гъип1урин — гугахъ ц1а,
К1уру айту, биц1и дуст,
Абйирихъан гъубзну а,
Гъич саб вахтна махъан суст.

Муртайиз дубхъну тямьгъ,
Гъич даршиди ап!уз аьгъ,
Ич Мягъмуду сад йигъан
Мурта адабгъну муг'ан.

Пеэр гъилиркъну мушваь...
Думу гъергну к!уйва? Ваь!
Шигъар гъап1ну, кубч1вну хъял,
Хъа, пеэриз йивну къял,
Гъатхуб-лизиб дарпиди,
Гъубшу мурта фунизди.

Амма гъубзнийи балин
К1ул'ин лизи зикв пеьлин.
Мягъмудаз дидкан хабар,
Икибашт1ан, гъабхъндар.

Хъа бабу к1уру бализ:
— Фу гъабхънувуш, йип аьзиз!
Шли гъивнуш ихъ пеьлиз,
Мурта гъубшнуш шлин фуниз!

— Вагъ! дупну, бай шул уьру,
Амк1 гъафи хъюхъниз ц1ару,,

**«Гъамус гъап1уйк1ан узу?»
Бабу диван а1уру.**

**Хъа бабу гъапну дугъаз:
— Хъебехъ, надинж, аннамаз,**

**Давди дупну айиб дар —
Щигъ гъип1урин — гугахъ ц1а.
Жиниди гъап1у ляхнар
Гъуздар даршиди ашкар.**

МИЦИ ККУНДАРШ, ЙИХЪ ГЪАРДАШ

Йип я игит, жиниб дарш,
Шад уьмриь яр увуз аш.
Жин ап1уб ву мянасуз —
Гъач багахъна, хил бисуз.

Багъиш ап1ин ччвур узуз,
Йиз к1ваь думу ат1абгуз.
Жамбулат — лап хуш вузуз,
Шад вуза текрар ап1уз.

Яв гъунарагъ гъаркъюнзуз
Хал-хизаи таниш вузуз
Гъаь яв аба я мирас,
Аьдатнахъди хъади аре.

Ихъ къисматар саб дап1ну,
Хъапъхъа уьмур албагну.
Хъа увуз мици ккундарш,
Йихъ уьмриь узуз гъардаш.

1995

ЭЙСИ

Му дюн'яйиз
Инсан вуди дуфнава,
Табиат яв
Инсанвализ либгура
Йип Жилихьна
Гъаз инсафсуз духьнава?
Яв лик диву
Йишв'ин вари убгура.

Ярквар, хярар,
Мал-гъара — вари девлет
Хайирлуди
Аптин к1ура ишлетмиш.
Уву вува
Дурарин эйси, гъелбет,
Фила думу

Ап1уз ккава аннамиш?

Эйсийн чан
Девлет уьбхюр гъяйифди,
Гъадри кади,
Дидиз зарар даршлуси.
Ужуб-харжиб,
Гъабшиб-даршиб дарпиди
Уву яркур
Убшвурава камклиси.
Кюл адрушваъ
Нахшир шулин, эй инсан?
Жакъвлин мяъли

Шулин, гъибган хъадукар?
Яркварикан
Майднар шула г-ьар йигъан
Эйси дарва —
Нач, гуч! адру зиянкар.

ЯРХЛААН КАГЪАЗ

Наан ава, йиз гюзел яр,
Фици вуяв уьмрин гьялар?
БикГураза кагъаз к1ваан,
Т1алаб кади гьяракатнан.

Хъубкъуйк1ан йиз дугъри мяъли
К1ак1нахъна саб сивин ягъли?
Дилигди, аш фукъан манзил,
К1ураза мяъли, хъипну зил.

Гъарсаб вахтназ тувна сурат,
Йиз гъянаъ, к!ваъ а мюгъюббат.
Ккудушишра фукъан вахтар,
Юк1ву дипрадар зиринг тар.

Шаду йигъан к1урза увкан,
Иври кюкйир кунц1наъ уткан,
Гъагъи йигъан хъана увкан
Пашман гафар гъюру к1ваан.

Бахтнан нир яв шула ахмиш,
Аферин вуз, думу гъюбхиш.

Надинж дюн'я му сикинсуз
Ибши женнет уьмриь увуз!
1987

* * *

Ю. Базутаевдиз

Гъибтну дюн'я сикинсуз,
Гъуш'ва учхъан гъаз вахтсуз?
Ул хъимиди яв гаф ебхъуз,
Насигъатарихъ хъебехъуз.

Инсандиз а, к!ур, шубуб рюгъ.
Думу кивган, саб ругариз
Гъябгъюру, к!ур, чан майтихъди,
Дабхъуз душваъ архаинди.

Къюбпиб зигур, к!ур, завариз,
Хъа шубубпиб либцуру, к!ур,
Жиларинин инсанаригъ,
Туври къимат ихъ ляхнариз.

Дюн'яйинин му сикинсуз
Яв рюгъ алиб якъин вузуз.
Адар думу кючейинь, ваъ,
А думу яв китабаринь.

Гъузра, шаир, му яв ляхнар,
Ляхнарихъди рюгъра жил'ин.
Китаб абцну, урхуз хъюгъган,
Шулу уву гъарган к!ваин.

1995

КЕФЧИ СТУДЕНТ

Буза туври айи кючйир
Духъну авуз бегъем таниш
Адашв к!ури душваъ кюкйир,
Зап!ну хилар, к!урва дюъйир.

Сабпи пара ккудубк!айиз,
Пивойин ниъ гъюра увхъан.
Дарсарихъан лап хябяхъдиз
Удуч!вдара пивбарин.

Гъушу вахтна бегъем к!ул'ан,
Гъюшурдарва коридоригъ.
Гъюриз к!ури пиян хил'ан,
Гюзер гъитдарва улдаригъ.

Гъадат!ури вардиз матар,
Ахъюр-биц!ир, риш-бай дарпи,
Хъа илмиди вари палтар,
Нивк!уз гъярва хабарсузди.

1983

РЯБГЪРУ ХЮНИ

Гъюжат гъап!ну, к!ур, кюб хюнди:
Фтиз гизиф ккундуш чан к!ари.
Шагьидвализ удуч!вну; к!ур,
Лижаъ айи малар вари.

Магъа хъуркъну дурар ч!урдиз,
Саб рябгъюру сикин дарди,
Хъа тмунубди эбхну чан к!ул
Ук! ил!уру, ил адрабшвди.

Шагъидарра шулу мюгътал,
Хюнди дихар дарап!руган:
Яраб мидиз саб тикикъан
Чйн биц!и к!ари ккундайк!ан?

Хябяхъ шулу гъюру ахъиз
Гъарсаб, никк хъади чан к!ардиз.
Сабди тувру саб йстикан,
Фу ву.хъа му к!ардин фуниз?

Хъа тмунубди аби!ру бедре,
Чаз ккунибкъан гъубхъну к!арди.
Йцз биц!и дуст, йина уву:
К!ари ккунду фунуб хюндиз?
Ав, рябгъру хюндикк никк даршул,
Тъадмуган гъапну абйири,

«Т. Н.» 1993



КИТАБДИЪ АЙИДАР

Ксунир	3
Гвачинган ригъ гьудубчинган	4
«Увуз ксун гьахь кас уьрх кIваъ»	4
Щукты гьулган вуйи Патиматдиз	4
Ииф убгъура	5
Яваш, я рииш.	6
Чур мапан	6
Периханум.	7
«Дуфна ихъ вахт	8
Дерд	9
Хябяхъ.	10
Ииз ксунир.	11
•Яр наши.	12
Ялхъвниз гъач.	12
«ИичI ксадапI	13
«Диврайиган...».	14
Ваган	15
Ииз жилгъа	16
Тост	16
Щукты гьул	18
Тисан	18
-Мархъ	19
•Мишир дуст шулин.	20
«Гъягъюри а йисар, йигъар.	21
•Щигъ гьилтурин — гугахъ ца	22
•Миши кундарш, ихъ гъардаш.	24
v Эйси.	25
-Ярхлаан кагъаз	26
•«Гъибтну дюм'я сикинсуз...»	27
•Кефчи студент	28
-Рябгъру хони.	28

Рамазанов Рамазан Шахбанович

ТРОПИНКА ЛЮБВИ

Стихи

Табасаранский язык

Редактор Ш. Р. Казиев

Сдано в набор 10.12.97. Подписано в печать 18.12.97.

Формат 70х90 1/32. Бумага офсетная.

Усл. печ. л. 1,7. Уч. изд. л. 0,9.

Тираж 400. Заказ № 279. Цепка договорная.

Типография Дагестанского научного центра РАН
367015, г. Махачкала, 5-й жилгородок, корпус 10.